


情郵

粲華主人原本
青蘿書屋重鐫

情郵說



傳中載劉生遇王慧娘賈紫簫事偶
在郵舍而名曰情郵有說乎曰有夫
郵以傳情也人若無情有塊處一室
老死不相往來已耳莫險於海而海
可航則海可郵也莫峻於山而山可
梯則山可郵也乃至黃犬走旅邸之

音青鳥啣雲中之信鴈足通忱魚腸
剖緘情極其至禽魚飛走悉可郵使
又何待津吏來迎而指雲生東海驛
人偶遇始憶春滿江南哉蓋嘗論之
色以目郵聲以耳郵臭以鼻郵言以
口郵手以書郵足以走郵人身皆郵
也而無一不本於情有情則伊人萬
里可憑夢寐以符招徃哲千秋亦借
詩書而檄致非然者有心不靈有膽
不苦有腸不轉即一身之耳目手足
不為之用况禽魚飛走之族乎信矣
夫情之不可已也此情郵之說也孔
子曰德之流行速於置郵而傳命惟
情亦然若云人生傳舍天地遽廬人

知情之為人郵而不知人之為情郵也則又進之乎言郵者矣

梨花齋主人題

情郵目次

上卷

約言

憶友

選艷

議遣

閨恨

奸喜

題驛

遺愛

遣婢

卑冗

旅行

半和

補和

見和

邊畧

追車

祝監

遭妬

客窘

問婢

良晤

下卷

代聘

追寵

兩探

合歡

驚遣

陷忠

賒許

被放

夢因

拒婿

私贈

廷對

友噬

蒲徵

三和

就訊

四和

認翁

救父

約婚

爭任

正名

目次畢

情郵卷之上

梨花齋主人編次



第一齣

約言

語使不朽

臨江僊末上生苑流遷人似驛幾多駐足時光黃河
日夜水湯湯愁隨刀放下惱共髮除將○只有情絲
抽不盡些兒露出疎狂又拈曲譜按宮商空中觀聚
散局外問炎涼

沁園春才子劉生黃河題驛自訴情腸有王家二美
後先來至各和詩章三地思量賴故人仗義不惜千

金買鸚鵡遣侍婢暫承奸命先效鸞凰○無端屈害
忠良翁壻參商未審詳對策披忠聖明虛納除斥魍
魎再過驛亭傍豈王氏難歸寓驛重和前詩得遇郎
妻和妾雙雙碧玉千載擅詞場

劉上元金門單獻策 王慧娘官驛兩題詩

隱太湖蕭公齊得喪 讓夫人賈女識尊卑

第二齣 憶友

戀芳春生上買醉囊空驅愁劍短敝貂不暖蘇秦忍
看人心雲霧世道荆榛我輩終能自信羞殺人好面
孔惡塗脂粉還驚問鶯老花殘蹉跎又過今春

西溪子浪說文章聲價咄咄書空如乍笑書生真
窮矣徒憂杞腰下吳鉤欲洗世生予竟何如小生
姓劉名軋初表字士元姑蘇人也孤韻風邁逸氣
煙翔人稱玄豹之姿自負青雲之器不幸雙親早
喪門戶中衰功名未遂好笑筆尖上空開夢裏之
花姻事寡諧那些女娘們也枉擲車中之果這都
不在話下有箇同窻故友蕭長公見守青州小生
待要去看他柰路途遙遠又無盤費如何是好

三學士處處關山隔夕曛教咱何處思君閒居盡日
爲忤權張本
愁春樹芳訊經年斷錦鱗長公兄你天性生平偏潔
峻怕時宜不合人

淨扮差人上特領黃堂命來尋白屋人俺山東青
州府差役李本是也奉府主蕭老爺差使請劉相
公打聽此間是他書館不免徑入生足下何來淨
小人_是山東青州府差役特奉蕭老爺嚴命來請
相公前往任所有書在此遞介生折介

前腔鞅掌塵勞久失詢離懷彼此平分願移文曜來

青土莫使我回首吳天只白雲煙水五湖頻借問想
還同舊日春

你老爺政聲若何

針線箱淨喜吳公重臨海郡課治平千秋相準生宦
况若何淨便官清五馬渾消駿領風流琴書偏韻

老爺還有俸金二十兩送上相公少充行李遞介
怕行裝羞澁無餘潤客次消停有酒村生多謝了淨
休讓遜故人千里却不道鮑叔知貧

前腔生勞驛使遠來垂問只好把嶺頭梅領傳春信

怕大官祿俸難承分劣書生天生貧窘淨出馬牌介
小人臨行之時老爺又付與馬牌一張相公一路
上去都着驛遞答應小人伏侍生長公兄直如此
費心我劉軋初何以克當我也一向要來相探苦
無脚力擬蹇驢再踏梅花韻誰承望驛騎先搖杏
苑春天涯近開緘三復這一霎早已神親

淨相公定日起程小人先將應付掛號生稍遲幾
日俟我束裝

集唐青山歷歷水悠悠望我君應上郡樓

正是堦前開遠信數行添記別離愁

原評兩人生平意氣開口已見一班

第三齣 選艷

丑扮差官雜隨上學生喚做胡誇紹興是我祖家
只因親友攜帶自小住在京華上下衙門爛熟官
府性格穩拿一向效勞吏部新充樞府爪牙多蒙
樞密爺十分見愛分付替他覓箇嬌娃我說揚州
地面女兒賽過瓊花便得借差榮耀占住一所官
衙勾取官媒細報又押府佐嚴查說是樞密爺第

一件緊急公務那箇敢不奉酒陪茶假嫌縣裏鋪
陳不好又道驛裏供應欠佳驚得那揚州城都說
是甚麼上司來到誰知區區出身本是承差內云
差了承差怎麼念做承差丑口占必須叶韻笑你
不是詩家自家樞密府中一個聽差官便是樞密
爺要娶小夫人差我來到揚州着落王通判揀選
揀來揀去都不中意你道爲何這等難樞密爺有
話分付容貌之美所不必言須有技能兼通文墨
世間那有這十全的女子在此日久不免再催促
官媒一番左右喚官媒進來雜喚介末上慣合朱
陳配常聯秦晉盟小人揚州城內官媒是也老爺
呼喚有何分付丑樞密爺娶妾一事怎麼不小心
在意你聽我道來

皂羅袍赫赫當朝貴顯羨兵權掌握勢焰薰天明珠
不惜買嬋娟我待等閒要看遍春風面琴棋書畫技
能要全詩詞歌賦聰明要專若單則容貌呵金釵十
二少甚麼金屏選

末我這揚州呵

前腔十里朱簾高捲盡摧蘭貶玉箇箇爭妍小人做
 官媒呵移根接葉種就了多少並頭蓮不欺老爺
 說若沒小人便劉郎也等閒叫不出桃花片丑你
 這般誇嘴怎麼一向揀選沒有好的報上來我曉
 得故意隱匿拿腔作價是你們積弊了末小人怎
 敢丑快報末邦關後巷張家阿連丑再有末磚街
 北首李家翠娟丑還少末愧無曝背堪多獻

丑也罷且喚這兩名來看一看末喚介老旦淨上
 藉寵非因少承恩不在容黃金多氣色能使畫圖

工本府王爺奉樞密府之命選擇美人千金為聘
 俺兩家爹媽將些銀兩買了官媒報上名去或者
 中選也不見得見介丑你叫做甚麼名字老旦奴
 家便是張阿連丑樞密爺要娶小夫人怎麼報這
 一箇老阿媽末方纔老爺說要甚麼文墨技能的
 故此報上丑你自家說來老旦

前腔近日荒疎筆硯止掛枝打棗略有家傳淵明琴
 上總無絃便爛柯讀不徧神仙傳丑你年紀多了些
 老旦奴家父母平昔過索聘金高不成低不就婚

姻踏蹬祇因掙錢年華逝水殊爲可憐若得收錄可
可不道好人到處行方便

〔丑〕不要閒說待我點名李翠娟〔淨〕奴家有〔丑〕一發
看不得你有甚麼技能〔淨〕

前腔慣會雨雲搦戰〔丑〕搖頭介再有說來〔淨〕咬末打
末介更樽前嚙臂鬧裡揮拳〔丑〕難難〔淨〕還曉得文
墨哩〔丑〕你就將筆寫來〔淨〕舉筆塗介縱橫幾筆大
如椽自画眉介你看我新描一點青山遠〔丑〕笑介只
面黑些〔淨〕容易粉脂一抹只留眼圈〔丑〕脚大怎好

〔淨〕不妨裙拖六幅只露脚巔〔丑〕你倒像戲臺上大
淨哩〔淨〕我便像淨恐怕你也像〔丑〕〔丑〕哇怎麼老爺
像〔丑〕〔淨〕大家都是花花面

〔丑〕這樣醜物也來混擾官媒好打快出去我不管
只問那王通判要地方官府着緊自然不敢不報

集唐 煙花三月下揚州 小婦輕粧大婦愁

爲愛好多心轉惑 無人敢奪在先籌

原評揚州佳麗地乃以一老女一醜女槩之不太難
爲乎想是官媒索賄佳者未必報又想是差官

索賄報者又未必選

第四齣 議遣

謁金門前外冠帶雜隨上一。語。道。盡。詩書味五斗折腰官米聞

道西山多爽氣暫把塵襟洗

蕭蕭白髮襯華冠貧富纔爭首菡盤此日聾丞猶

守職敢言仇覽棘栖鸞下官姓王名仁字任菴錢

塘人也起家明經叨任揚州別駕夫人陳氏小女

慧娘至親者三口年近六旬尚無子嗣所喜女兒

德性溫淑頗涉書史日後倘招得一箇好女婿也

不枉了到任以來清閒無事春上樞府以書相託

欲覓名姝揀擇多時並無可意差官日逐催逼甚

覺煩擾雜今早老爺未出堂時有京師差官坐在

賓館發作說樞密爺娶小是天樣大事老爺全不

料理恐違嚴限即日要起身去了外怎不傳報後

堂雜正待通報那差官搖搖擺擺一直上轎說等

老爺自己回覆樞密爺外快喚官媒來雜喚介末

上只要紅絲原有分何愁夾袋竟無人官媒叩頭

外連日揀選可有好的麼末沒有外這般怠玩拿

下去打雜應介末不是小人怠玩凡到揚州城內娶妾的來來往往萬萬千千少甚麼豪門貴客公子王孫小人靠老爺福分充箇官媒吃的也是他着的也是他那一日不成就幾頭好事那一頭不使他幾貫花錢偏有這差官說得古怪容貌之美所不必言又要技能無通文墨老爺下車數載深知民情此間小戶人家不過養幾箇瘦馬刮洗裝飾哄着四方游客富貴子弟帶眼一瞧意頭覺有些俊俏容貌覺有些標致便道是雲端仙子月裏

嫦娥小人們做媒的一分就形容他十分只有說合那有說開頭上脚下凡有些不伶俐的所在遮遮掩掩還不許他看個一二分那有面試甚麼技能文墨的就說是會些技能絃響便是琴下子便是棋了若說通着文墨難道真是考試官考他七篇不成不過是箇名色影勢事成之後你東我西一手交錢一手交貨只索罷了如今定要實實比試件件完全就打苑小人也變不出個好的滿城報盡便是小人的麥子老爺若要也一發報上外

這老兒利嘴且餽你去再細訪來未應下外這事
怎麼處不免退堂與夫人商議雜掩門下外耳院
子請夫人出來老旦上

謁金門後曉鏡纔完櫛篦又報早衙休矣十五盈盈
嬌未起兒女隨他意

相公你休衙恁早想必清閒外夫人我退食之餘

略有商議老旦不知爲着何事外樞府欲覓麗人

春上飛書相託今無以應爲之柰何老旦偌大一

箇錦城豈無美色外夫人

鎖南枝凡○事○如○此○尋聲好識面非雖則如雲傾國稀書史要周

知還求精技藝老旦既無佳者何不據實以復外伊

勢焰怎敢違儻逢嗔後應悔

老旦妾身倒有一計在此我家紫簫這了頭頗有

幾分顏色隨着女兒淹通詞翰便是琴棋簫管之

屬像也都曉得些相公何不將他打扮送與樞密

前腔容非俗年及笄平日筭他八字也道後來不應

終綠衣老身一向在意相公尚無子嗣好收拾此婢

奉侍衾枕心上久徘徊未敢遽咨啓外夫人說那

既有盛情何不早說

里話子息艱難乃是天數此婢伏侍女兒豈有收
用之理轉語捷妙老旦老身正亦如此想如有意不必疑外
快不要說老旦既無緣早婚配

外一婢非所愛惜但恐外觀不雅

前腔吾年老子已稀留連艷質非所宜便許嫁明妃
棄之如敝屣怕外人不知說出閨閣是女兒料娉婷
豈奴婢

老旦依老身所見不如竟認作親生女兒樞密喜
逾十倍相公止有一女誰人不知這只騙得他眼

前耳日後另擇佳壻心跡自明

前腔人情變世事移女吳出涕君所知况紫簫又不
是親生潛渡女兒溪誰識西施計外夫人所見豈
不是好到底怕有議論哩老旦你道事到底有是
非事臨頭也須看頭勢

外依夫人說先寫書回覆樞密隨後送親還有一
件這妮子不知肯去否老旦人家了鬟送去府中
受用自然樂從的待老身說與女孩兒慢慢的分
付他便了

縱橫唐突世喧喧 那似登科甲乙年

集唐

月姊殷勤留不住 思量大是惡姻緣

原評如此難處事老王何不與主文商量曰有能事
令正不必另請主文也○杭州女子未必勝似
揚州夫人恐老王收用故乘機遣去耳

第五齣 閨恨

小旦上素眉薄鬢舊羅裳別樣風流雅淡粧陪娘
燒徹夜來香○指下生風無剩巧毫端散彩有餘
長康成家婢不尋常奴家姓賈幼鬻於王喚名紫

蕭老爺夫人見奴家自小聰明只教隨侍小姐多

謝小姐也不以使女看待晴窗共繡夜燭聯吟俺

先從紫簫口中說出小姐情致

小姐時常襟懷洒落笑語溫和止曉得咏月嘲風

並不曾啼雲怨雨自那日老夫人請小姐去講甚

麼話小姐悶悶而回只見他雙眉蹙翠兩眼含珠

不語不言沒情沒緒竟不知爲着何來我看這兩

是女兒家猜法倒自是家

日老爺與老夫人唧唧噥噥想必小姐有了人家
有了人家

了咳小姐小姐你年紀不小了只願招箇風風韻
韻俊俊俏俏的姐夫若不妬棄便一發拖帶紫簫

却不是好。不免等他起來問箇明白。旦上。鳳凰閣春風輕送。怪殺鶯忙蜂冗。綠紗浸日。只如空。照醒初圓半夢。繡窗還共是誰人。孜孜伴儂。

水流花落恨年年。他日遺踪說翠鈿。一夜暗香行

萬里。重門空自鎖。嬋娟。小旦。小姐每常歡歡喜喜。

妻其無限。

連朝憂戀有甚心事。旦歎介。咳。紫簫你跟隨我幾

年了。小旦。自小隨着小姐。怕不知道哩。旦。我想人

生有聚。必然有散。你我雖是女流。相依筆硯。朝夕

隈倚。也不寂寞。

集賢賓。想梨花聽雨同夜鐘。也曾同倚梧桐。盡日香鑪陪晝永。弄金針笑語春容。所事依從。可能彀長似。這因依和哄。淚介。只恐怕有聚有散。呵。心作誦。歎聚散有如春夢。

小旦。小姐怎麼這般說。

前腔。覷多嬌爲何未言先。惋痛不住的淚雨如濛。我紫簫呵。青眼千分知看重。繫衣裾寸趾追從。便後來。小姐到人家去。紫簫也趨步春風。道得箇烏鴉。隨鳳小姐心事。何不對紫簫說來。旦欲言又止。介。小

旦小姐這等不樂連紫簫也一時慘切起來淚介
魂驚動不覺意煩心冗

旦事到如今不得不對你說了樞府欲覓麗人託
俺爹爹選擇並無可意差官日逐催逼爹爹怕他
威勢無計可施與奶奶商議把你認作親生送與
樞密不日就要起程了淚介小旦拭淚介原來爲
此小姐不必生悲蒙老爺夫人另眼看覷正無恩
可報倘用得着紫簫處生死不辭既然樞密勢逼
無可奈何紫簫何難一行以解此厄

轉林鶯琵琶大有一曲明妃痛便朝廷也要和戎只怕假
闕氏當不的和親用老單于倒笑殺漢國姿容紅顏
命窮逃不得風波翻弄合恨匆匆這一霎無端拆散

西東

小旦淚介旦你方纔何等慷慨怎麼也掉下淚來
小旦小姐深恩實難割捨

前腔幾年畫閣親陪奉但相看笑眼歡容跟隨只比
鞋頭鳳又誰知伏侍難終只願來世呵再傍簾櫳報
不了丘山恩重合前

旦紫簫我怎生捨得你去

黃鶯兒生小鎮相同再無人似意中你去後呵粧樓
夜月誰聯咏盼天邊斷鴻聽床頭亂蛩怕關山迢遞
也做不出長安夢合訴蒼穹旅魂飄泊應向舊房櫳
小旦小姐我看從來炙手威勢不能長久冰山難
好識日子不及
恃相見有日未可知也

前腔合浦得重逢過延津劍化龍笑樓頭早把朱顏
送他冰山易崩朝露易傾敢相如也還賺得出秦廷

貢合前

旦紫簫你也不必傷懷

琥珀貓兒墜你本是藥珠仙眷合領綺羅叢怕不待
金屋藏嬌承密寵腰肢賭絕楚王宮則你那時節呵
朦朧可憶閨中我寒燈虛擁

小旦小姐你

前腔耐煩消遣休怨落花風願早叶于飛雙跨鳳不
似我前生牽下這斷頭紅老爺夫人呵龍鍾只有你
香閣嬌容好生看奉

尾聲旦聽他一句句說向俺傷情重絮語燈花還只

有幾夜同從此後似海侯門只好夢裏逢。

集唐

凭欄仍是玉欄杆 步步相携不覺難

無限報恩心未展 等閒平地起波瀾

原評男女相求情趣易寫慧娘紫簫皆女人也閨閣房帟之中別有一段綢繆倦戀之致離則相思相夢合則相親相讓主僕妻妾形迹脫略殆盡所以爲情所以爲情之至

第六齣 奸喜

霜蕉葉淨蟒玉雜隨上 兵權在掌喜怒惟心上獨坐

朝端氣象謾誇稱擎天棟梁

鷓鴣天 執掌中樞二十年龍韜虎略竟茫然濫叨

爵賞恩無地擅作恩威勢通天金可斛酒如泉英雄且做眼睛前便教千載能遺臭也落得詩書姓字傳下官知樞密院事阿乃顏是也起自武科初爲裨將因先帝寵任 拜爲國師下

官首先摩頂受戒遂得夤緣躡登本職術籠一世勢壓千官順吾者生逆吾者死蟒玉頻加子孫同蔭富貴極矣只是夫人利害身邊沒有十分可意

的女子前日虧門下何金吾攬掇差人往揚州選
取又有幾箇字兒分付那姓王的通判想不悞事
怎還不見回報末扮差官上天邊不敢辭長路枕
畔還應聽好音自家是揚州府水利廳差官奉本
官差遣到樞府投遞公文此間已是府門首等長
班出來央他通報雜你是甚人在此走探末揚州
府王通判有公文一角差官投遞雜稟介淨着他
進來雜應末見介揚州府通判王仁公文一角呈
上老爺淨看笑介我一向聞你本官做官極好到

任幾年了末三年了淨官評既好歷俸又深看脚
色介哦可惜是個明經如此異材難拘常格那官
兒回去頂上本官說不日就超擢了外廂站立候
領回書末應下淨笑介好箇王通判好箇王通判
他說一時選擇沒有佳麗就把自己女兒倒賠粧
奩送我爲妾天下那有這等好人老王你就是我
的丈人了思量甚麼計策酬謝他便好叫左右請
金吾何爺來雜應介丑冠帶雜扮長班喝道上
桃柳爭春門牆靠傍傳聲頭踏休呼到來樞密近巷

下官何金吾是也特來樞府問候正值開門快通
報去雜老爺正着小人請何爺講話來得恰好稟
介淨道有請丑入見介淨金吾日來少會丑連日
敝衙門有些小事失於問候門生知罪了附耳介
老恩師納寵之事近日有回音麼淨正要與金吾
說知那揚州府王通判適纔差人投稟因揀選無
人他將親生女兒送我爲妾將次起程了丑揖介
恭喜老恩師却也難得這王通判湊趣淨正是這
般說金吾你道何以酬之

鐸歛兒是他親生女兒香閨嬌養想儀容婉麗舉止
端詳送來侍衾帳還賠嫁裝真快暢漫忖量他須爲
岳丈我也要像箇門楣體樣

丑這箇何難老恩師分付吏部躡等超陞便了

前腔溫柔醉鄉安排停當這也是老恩師天緣湊巧
福分殊常那王通判呵恩光略迴向枯株望陽淨與
吏部說也不難只是近日連連有些小事似覺講
得面長了些丑不勞老恩師開口待門生一力轉
達承薦獎沒補償這些須俯仰又何必輕煩咳響

淨如此甚好

不堪深夜鳳池寒 小帳無人燭影殘

集唐

紅粉樓中應計日 可憐風日到長安

原評何金吾非真為樞密周旋也特借以市權見得

與樞密十分契密耳

第七齣 題驛

山坡羊 生跨馬淨隨上 雜離離樹影煙籠罩濕騰騰

山勢雲迴抱 睡昏昏控不住 馬蹄勻意慌慌看過去

的行人少 曙光高殘星積漸消 鞭稍何處何處是那

青州道到不如昨夜朦騰捷 夢先馳到合迢遙過江

淮又幾朝飄蕭走風塵第一遭

我劉軋初為探長公兄不憚千里跋跣公差說趁

今日趕過黃河早起趨行公差可望見黃河了淨

前面就是生呀好一派大水也

前腔 你看這白茫茫雪浪和天攪閃得我響颼颼

氣迎風嘯這等莽滔滔世運總堪悲比似我虛飄飄

身計真難料浪花搖看蒼龍赴早潮這乘流一葉一

葉可便是張騫棹淨已到河邊請相公下馬走過浮

橋就是驛前了生下馬介古驛淒涼四面黃河繞

合前

淨馬頭快揀好馬來內應今日我們驛裏新老爺到任正在印烙畧停一停就有了淨相公請在裏面少坐小人換馬就來下丑持報上欲覓朝昏計全憑紙筆勤老爹可要看報麼生這報那里來的

丑老爹有所不知俺這徐州是南北第一箇馬頭京師的報往南直江淞一帶去的少不得在這驛前報房分抄生將來一看丑遞報介生看畢仍還

介我跟隨公差在外叫他與你幾箇酒錢丑應下

生歎介你看曠溢公車陞除滿目

金絡索胸中。魂怎消。扇底塵難掃。似我劉軋初也罷。

了落魄書生應伴書蟲老。長公兄這般大才你緣

何不守禁闈。上清朝海國分符滯外寮。簾前舞鶴人

瀟灑抵多少。窻下聞雞夜寂寥。拆柬邀我去。呵想你

衙齋悄擬將清况語窮交。兩相逢。積悶嘈嘈怕說不

出翻悲叫

未扮舍人策馬上。飡風還宿露。涉水更登山。下馬

大叫介驛官那里快爰擋風酒來內應來了來了
請坐末倨坐介生請問貴差末咱是樞密院舍人
奉差前往揚州迎接家眷生前日過揚州時只見
沸沸揚揚聽得人說樞府選妾哩丑持酒飯上老
爹請在房用酒末同下生你看這廝好不氣傲
休說樞府只差人便如此了

前腔風威太莽囂禮數多粗傲我劉軋初到此半日
冷水也沒得粘牙他一進驛門湯酒下飯恁般奉
承舉目炎涼顛倒都堪笑他方纔說前往揚州迎
接家眷秦樓楚館中總妖嬈一路香塵擁輦飄咳
劉軋初劉軋初說甚麼書中有女顏如玉敢則怕
月下無人註阿嬌風煙道又無端牽引上星轅一程
程客况無聊看冷淚從心吊

等這一回還沒有馬往後閒步介原來有這箇亭
子倒也清酒壁粉初勻不免題詩一首以寄悶懷
題介年少飄零只一身風波愁殺渡頭人青衫穩
稱騎羸馬白面難教撲暗塵但說荆山常有淚自
生空谷孰爲春蕭蕭旅館河流上忽憶青州太守

貧姑蘇劉某題

簇御林、新詩句、信口嘲、把閒情、輕付拋、孤猿野鶴同、棲、叫、後、人、來、此、看、此、詩、呵、敢、似、我、愁、懷、抱、費、推、敲、咳、陽、春、白、雪、怕、屬、和、已、寥寥、

淨上相公有馬了請就道生為何許久淨正揀得

一匹好馬與相公騎坐不想被樞府差人奪去又

特地揀來的生多勞你費心淨相公這是應該得

伏侍的還怕伏侍不周只消相公在老爺跟前方

便一句賞個好差青目一青目也不枉跟隨相公

這一場生自然替你說的行介

前腔長途柳欲染袍草青青偏襯嬌吟肩雙聳鞭還
裊呀天色晚了看落日啣山早莫辭勞前村旅店帶
月且頻敲

淨敲門介丑隔籬聞犬吠深巷有人來淨店家盪

酒來相公喫丑應同淨下生

尾聲孤燈一盞和愁照且酌村醅慰寂寥怕明早呵
車馬催人還只是天未曉

集唐行却江南路幾千聽鐘投宿入孤煙

風霜一夜添羈思

惟有劉楨不得眠

原評如今驛壁題寫殆盡劉生之詩正以兩女郎傳
耳然今驛壁上能有劉生詩否恐不堪令女郎
見也

第八齣 遺愛

小蓬萊小生冠帶外扮吏雜隨上對案遙山靜好列
青松百尺堂高淒清鶴韻和琴三奏冗牘塵消。

魚餐常減署烏饑松栢高寒樹不肥吏少差承民
耻訟可知積歲午衙稀下官蕭一陽字長公姑蘇

人也忝中文科官拜青州刺史蒞任數載且喜民
安物阜道不拾遺雖無三異足稱也曉得四知堪
畏有一箇故友劉士元與我同窻雅契前日差人
請來任所杳無音信一定也起身了劉兄你如今
在途上呵

桂枝香荒煙落照雨巾風帽又不是王粲依劉漫勞
你山陰移棹想霜迷板橋想霜迷板橋怕你旅魂顛
倒離愁清峭怎麼還不見到難道漫游遨題徧隋宮
柳閒聽月下簫

丑扮報人上春從天上至恩向日邊來擊鼓進介
京報人叩頭恭喜老爺高陞遞報小生看介吏部
一本缺官事盧龍道缺觀察使推青州府知府蕭
一陽陞補奉聖旨是果然叨轉了淨小的順賚文
憑一道呈上遞介小生看介呀欽限甚嚴就要起
身了走報人在外候賞淨應下小生該吏聽我分
付倉庫牢獄冊籍明白你賚印送與上司候委官
代署本府即日離任想介還有一事倘劉見到此
我又不在怎麼好

前腔征車載道正客星初照可憐他鳳字重題應恨
我這龍門難造他途窮敝貂途窮敝貂好傷懷抱望
同歡笑誰知道又空招後來便得相會呵只怕書劍
塵中老容顏塞外高

也罷該吏再領俸金百兩留書一封候姑蘇劉相
公到此多多拜上說本府因赴任迫促不得陪侍
新任邊方恐難勞玉權贈此以爲歸費原送馬牌
替他掛箇往回的號兒不可有悞外應介小生外
面甚人喧嚷雜官吏師生人等擁道遮了小生人

衆語雜只叫爲首的進來雜傳介生扮官未扮生
員淨扮父老上進見介生恭賀老大人喬遷不勝
欣幸只是屬官失所天了

解三醒受卵翼慚無報效仰風裁敢越分毫教道我
清白傳家登上考外小的衙門吏書人役跟隨恩爺
雖沒有處趨錢入公門也落得清高末門生生員
輩蒙老師祖優待抽閒常則喜談時課捐俸還多
虧助夜膏淨風俗好俺們里老但追陪社會只聞得
五袴歌謠

生願老大人再借寇一年外小的便卧轍扳轅末
合學見做保留賢能官員的公呈往上司遞去懇
求轉題加銜管事淨甚麼公呈我們鄉耆里甲就
要進京動箇民本哩丑扮差官上餘恩留舊國勤
力接新官稟上老爺盧龍道鎮各爺差官投書邊
庭多事請老爺作速赴任小生收了明日候領回
書丑應下小生你看催促恁緊保留原是舊套不
必行了各哭留介小生

前腔自懺悔法多情少稱官評政拙心勞我本府有

甚麼好處到你們如此苦留我曉得這也是你們
厚道與我點綴春風顏面好衆哭介再沒有這樣
好官了小生早難道真箇號啣淚介不要說你們
不忍捨我我也怎忍拋棄你們在此三年可便餐
真。蕪。更。水。嚙。雪。也。少。不。得。飲。你。民。間。水。藿。食。菰。羹。也。總。是。這。
地。上。毛。心。如。擣。休。說。不。忍。拋。棄。你。們。了。看。山。川。風。景。
語。愈。寬。情。愈。緊。不。由。人。不。淚。點。零。飄。

衆說到此處一發感傷就是必不可留還望從容
幾日小生欽限難違便強留幾日總也無益生上

意既已堅決不免告假先在境上祖送外求恩爺
脫靴留愛末門生出單歛分蓋造生祠淨官道傍
邊各鄉各鎮與老爺立下幾十座去思碑衆

解醒歌守海郡當年杜召鎮邊庭又要這漢室班超

雜稟老爺發損小生沒甚行李隨身一兩擡便了

衆你看他高。切。深。可。風。兩袖天風空一笑只腰金冷襯征袍去

後呵關情畏壘腸堪斷你敢也回首并州淚暗拋

行介合朱旛引皂蓋飄悲鳴五馬亦蕭蕭青山隔

綠水遙看人民城郭總魂銷

丑上稟老爺盧龍各府州縣叅游守把合屬大小
文武官員差人迎接投遞公文小生知道了前途
候領批迴丑應下小生各官過來

前腔甘淡薄益堅節操生是外跪介恩爺還有甚分
付小生耐清貧長守規條外叩頭介小生諸生只
願你九萬雲程鵬翮矯末門生輩不敢有負作養小
生父老你回去傳與子弟說好耕穫舊日田苗淨
好說話小生再聽本府囑付你們都是好官好吏
好秀才好百姓若改頭易面非吾黨莫枉了我瀝

膽披肝教爾曹各哭行介合前

小生來路遠了你們回去罷衆再送一程

尾聲乍瞻依難分調小生你莫將生涯公務誤今朝

衆何等依戀便送到盧龍也只有這遭

雜票老爺已到境上前驛夫馬迎接了小生不必
再送就此各回下衆哭跪送介

別感生成大昊功 始應回首憶羊公

集唐 琴樽劍鶴隨將去 過里猶歌卧轍風

原評此一幅循良傳一通墮淚碑也可思可敬可感

可涕

第九齣 遣婢

丑扮差官上 揀盡如花窈窕娘一般高髻內家粧
巫山別有神仙宅挾雨携雲就楚王自家樞密府
差官是也奉差到此選擇美人揚州城內的女子
那個不經批點都則七中八當不見甚麼百媚千
嬌正不知學生的眼高還則怕看得眼花了被我
走到王老先生賓館中發作幾句那王老先就着忙
了把自家一箇親生女兒輕輕的送與老人家做
小阿媽你道勢利不勢利又私下送學生薄薄的
一箇書怕我打稟帖到樞密爺跟前說他好處
我想他的令愛一定也拿掇得出樞密爺見是親
生必然寵愛學生思想要呵樞密爺的脣須甜他
小夫人的嘴一時間就轉過前日假發作的臉皮
放出生平慣幫襯的手段把千金聘禮發到珠寶
綉段各行替他備辦衣飾之類發一要十這副粧
奩好不齊整那淮揚一帶地方官府都捐貲助嫁
河下送到座船何止數十號只怕沒有許多身子

坐他今日擇吉發親花燈彩轎笙簫鼓樂俱已催
齊還須自到府前查點下老旦旦小旦上
菊花新素娥飛下彩雲虛天外偷排七寶車顧影漫
躊躇聽林鳥幾聲春去

老旦紫簫我的兒吉期已臨綵輿將到快些粧裹
不必遲疑小旦真箇今日就要去了哭介梳頭介
泣顏回臨鏡懶施朱匣粉猶他塵護幾番催促今朝
不愛粧梳老旦新打的金鳳釵可插戴了小旦荆釵
自許這鳳釵且慢作商量語旦自拔簪介玉簪一枝

是我自小帶的替你添粧莫嫌輕褻小旦多謝小
姐簪介這恩光頂戴難勝煞強似滿案金珠

老旦快穿幾套衣服小旦穿衣介

前腔徐徐不忍脫衣襦小姐還是你穿殘遺縷旦哭

介錦衣衷素知他不肯忘予老旦再穿上繡襖小

旦老夫人你儒門綱布我怎敢橫披金縷賣弄他
侯門富老旦旦看盈盈淚濕羅衫抵多少膝下牽裾

外上丈夫慷慨都無淚兒女綿藤太有情前日聽
夫人之議嫁遣紫簫閨中和我女兒哭箇不了差

官已在府門首迎親不免進去催他起身見介粧
裹完了早些上轎不要錯過良時你聽我道

榴花泣絳紗千炬夾道照香車繡旌旗映紫駒中流
畫舫引笙竽香風咳唾雜瓊瑤原非棄汝則寒官無
力支門戶合筭前途萬水千山禁不住短歎長吁

丑引雜鼓樂上姻緣本是前生定曾向蟠桃會裏
來吉時正到就請登車雜稟介小旦老爺夫人小
姐在上紫簫拜辭了

前腔生成息養似稚草出階除好看承女不殊哭向
外老旦介則道時時羽翼近慈烏哭向旦介則道
花前長伴這鳳凰雛無能戀主看辭槽老馬空回顧

合前

小旦哭別隨衆下淨扮報人上飛檄行千里新綸
出九重報報報老爺陞授長蘆鹽運司轉運使之
職老旦旦虛下外何爲有此超陞淨吏部查老爺
治河有功特地優叙外等全報到并賞淨應下老
旦旦上外邊所報何事外吏部查叙河功竟把下
官超陞長蘆轉運使旦爹爹恭喜了老旦這那里

是甚麼吏部查叙河功分明樞府特擢老身所見
可不大大謬若沒有紫簫去時如今的官不知怎麼
樣了外夫人

駐馬聽躡等遷除怕謗議喧騰人不孚老旦議着甚

麼外道依親作勢借女求官行醜名污我王仁也

是好男子有血性人語便家貧還有舊田廬又無兒慰我年遲

暮早賦歸歟也省得將來彈射貽人語

老旦相公你

前腔不必行迂官祿前生未可虛便這一陞也是命

中排定意外遭逢又不是我特地營圖外以女易官

似乎不可老旦可是扯淡那紫簫真是你生的便

對人也說得出親生終自有兒夫只眼前權暫稱

妻父外如今棄官外人也曉得此陞非出本意老旦

官已陞授就說非出本意語亦有理那箇信你總難推箇軋

淨落得現做後日之事再作商量空自趲趲難道

滑稽之尤陞官反促人歸去

旦吾家陞擢雖則可喜紫簫心中不知如何苦楚

想此時呵

餘文倚蘭橈形影孤有多少離愁欲訴只博得天上
傳宣一紙書。

集唐

惆悵堦前紅牡丹 驕奢勢力橫相干
誰人正得風波便 粉節霜筠漫歲寒

原評老王不肯之官猶不失本來面目夫人一罵便
沒主張懼內人悞事不淺

第十齣 甲冗

七娘子末冠帶上蹉跎老運偏精爽既爲官敢辭劇
忙南北奔馳東西迎送清貧惟守河邊浪

朱輪紫蓋日盈門暫借光輝片席溫官守只今如
傳舍河清難俟且同渾老夫趙德賤號愛軒錢塘
人氏吏員出身一考二考三考只依本分並不幹
那黑虎跳飛過海的勾當那些大膽光棍都是白
脚一日衙門也不曾進只串通吏部當該使着假
印造着假劄或援下那一條事例或央上那一箇
人情州縣佐貳登時選了出來却也懷着鬼胎恐
怕發覺老夫只是老老實實挨年序月守到如今
七十多歲點名回卯次次是頭一箇看意不過只

得也上了選簿抽着一根徐州黃河東岸驛的籤
這驛有人說不好別處的驛管水不管陸管陸不
管水惟有此處水陸兼管這邊要船那邊要馬這
邊要旱夫那邊要水夫伺候供應畧有不到之處
就是鎖驛夫打驛吏且是南北第一要衝來往送
迎晝夜不息一般兒也有人說這驛的好處大凡
驛遞偏僻使客稀疎沒有甚開銷就作不得弊病
衝途雖則辛苦錢糧廣濶每一起差使過一張勘
合牌票到多記他幾名夫假開了幾匹馬虛報上

一二次中火在餐越來得多越好銷筭老夫又虛
心請教前輩他說傳與你的秘方打發廩給只好
七成八成護送吹旗不過四里五里酒壺只引得
喉嚨癢飯碗還沒有肚臍深腐皮青菜賤不去的
便是下飯本行硬肉生雞喫不得的留作下餐添
補買了幾觔重鑽的果品朝朝與我看盤搭上一
條狗嚼的圍裙時時替人抹桌夫馬一見面就有
常例工食領到手便要先抽最尊敬的是前站大
叔難惡識的是夫頭馬頭徒犯無錢活罪反成苑

罪假牌照出私和不必官和還有不巧當的所在
撞着會撒潑的承差遇着要施爲的過客酒飯欠
好夫馬不齊挽起皮鞭引着鐵索只是硬着口說
自家賠出來的供應縮着頭說往縣上去領支過
的錢糧好開交也還使箇三釐五釐的封袋沒擺
佈就反說打壞了我一品二品的職官內云好箇
大老爺這篇表白却不自家道了醜態未雖則如
此說我老爺還有酌量靠山喫山靠水喫水從來
順便東西那箇不要謝天有這把年紀與我小小

結果正是老來行着官運須要勵精整頓巴到任
滿還圖箇好陞轉前日新到得任點夫烙馬查徒
犯驗渡船件件完了今朝不免到驛前驛後仔細
觀看一番這皂隸房吏書房上房下房廚房廁房
都也潔淨後面還有亭子官府到來儘可棲息你
看驛裏人也知事新官到任把牆壁粉得雪白也
是體面那亭子壁上像有甚麼在上拭眼看介不
知又是甚麼人聞了手脚寫幾行字把一堵新壁
弄得糊糊塗塗了淨上老爺那有功夫看詩傳牌

到了末將來我看長蘆鹽運司都轉運使王爲公務事照得本司前往赴任所有應用夫馬合先遣牌知會呀這是我同縣親戚新陞運使在此經過分付夫馬下程都要齊整小飯我衙內自備淨應下丑上又有牌到了是樞密院家眷老爺前日樞府一箇承差過就替他需索得不耐煩因這日老爺上任不敢稟如今家眷經過一發費事老爺須十分着意末曉得了分付比往常加倍齊整淨惡上老爺總河侍郎巡河御史河道郎中水利道各牌到驛一時齊來甚難答應末頓足介爲何齊來淨丑老爺還不知道清河口上河決把長堤衝斷管河各爺下去踏勘就是樞府家眷原從水路進京也因河決改陸的末老爺新任有甚麼舊規怕不曉得你們只管稟行淨丑

洞仙歌馬兒耍着幫夫頭要派行整日備辦車船下程和口糧末這自然的還有淨丑工食免扣放撥差宜體量我們通驛都無講

末這狗弟子倒來得我老爺也有舊規教道你

前腔號衣要放光藍旗要足方不許囉哩偷閑答應
須着腔淨丑還有甚分付麼末行李失了損身邊搜
出賊這回休想輕輕放

淨丑老爺倒是在行的末不要閒講快去迎接

集唐 傲盡公卿歸九泉 惟知曝背樂殘年

不嫌野外無供給 千萬長河共使船

原評紫簫改陸在驛夫口中叙出簡亮得法

第十一齣 旅行

小生扮差吏左旋上偏僻衙門原自淡腥羶官府

向來鹹俺是長蘆鹽運司差吏迎接新任王爺一

路見他傳牌過去想也不遠快些迎上下外老旦

旦雜右旋上

風雲會四朝元外官情無那升沉總幻魔驅馳名利

到老婆娑筭林下無一箇又癡呆到我又癡呆到我

苦歷崎嶇亂撞風波馬足奔波車輪推脫空羨山僧

臥小生左旋上本衙差吏迎接老爺雜起去外此去

黃河多遠小生只有兩站老旦啖夾道柳煙拖錯

落旌旗影亂紅霞過日行忙髻側矧日長意昏情看

風塵漲滿沙。沙雜雜。早把淚痕吹破。淚痕吹破。同下。
生跨馬左旋。上。淒泊長途未足。嗟茂陵三十尚無。
家陳蕃已去。空留榻柱。買王郎雪夜。艤我劉軋。初
到得青州。誰知長公兄。又陞任去了。

前腔臨卽初過。相如負病疴。多虧令尹把車騎騰那。
纔弄得琴心妥。我如今消渴。我如今消渴。抱膝閒吟。
叩角空歌。指望會長公兄。與我酒解牢騷。淚同悲挫。
又誰知。画戟門先鎖。嗟好事總多磨。便一面寒暄。宛
轉相奚落。只得仍舊用這張馬牌。轉來來時。尚掙傴。
歸途轉疲瘁。早昏騰馬上痴。痴夢夢不覺。玉鞭偷墮。

玉鞭偷墮下

末扮舍人右旋。上。元老多情還戀色。佳人承寵早。
趨朝俺是樞密院舍人。迎接小夫人的一徑到場。
州那小夫人已起身了。把小船棹到清河口。只見
幾隻空座船。你道爲何因。黃河衝決。船行不得。改
從陸路。只得又飛馬追趕。聽得人說就在前面快。

些趕上下。小旦丑雜右旋上。

前腔丑雜雕輪輕妥。參隨騎從多。行人來往。叱咤遭。

呵。塞。路。香。風。和。原。來。是。拋。殘。翠。朶。是。拋。殘。翠。朶。水。映。嬌。波。嶂。列。青。螺。鳥。雜。笙。歌。雲。連。帳。幕。樞。府。威。名。播。末

上本府舍人迎接夫人到揚州時夫人起身趕到

清河夫人已登陸星夜趕上來的丑起去此去黃

河只有三站你先去催齊夫為伺候夫人末應下

介小旦噤啼笑便如何檻鳳圍鸞已下歲綈鎖小

姐小姐離他想殺他是伊憶着我聽紛紛侍從嘈

嘈雜雜按不任心魂跳躍心魂跳躍同下

生左旋上前日到青州去還有個差人相伴如今

只剩得我劉乾初一人

前腔孤身寥落行囊唐。人。佳。句。一劍多來回躑躅費盡奔波赫

日穿衣過又前村雨沱又前村雨沱一望荒郊千層

亂坡早涉寒流夜投村火便長公兄留贈百金也濟

不得長途餓我想人生之苦莫如行路平昔坐書室

中不曾親歷那里曉得咳天下苦楚還有勝似行

路的我今日騎箇馬兒逍遙道上已自受用不起

了噤忍氣莫長呵自古英雄天意偏遭挫何妨受

折磨從今識坎珂想人間困苦淒淒歷歷好把指尖

彈破指尖彈破

記得此處離黃河驛四站。且覓宿頭明日早行咳
長公兄長公兄

集唐

不將書喚不曾來 忍見門人掩淚回
萬里往來無一事 孤雲永日自徘徊

原評左旋右旋二站三站四站處須着眼方知南北
先後到驛次第

第十二齣 半和

丑上山歌驛官倒好像箇阿奴奴。送舊迎新似轆

轆前客未完已有後客到叫阿奴奴。一時間那里
打發得介許多夫自家黃河驛一箇夫頭是也運
司王爺家眷已到不免請老爺出迎末上天官坐
命終須貴驛馬臨年不得寧丑王爺家眷已到驛
了末快備馬迎接同丑下外雜行上

懶畫眉黃河南渡憶當年今日重來老倍前末跪迎

介黃河東岸驛驛丞迎接老爺雜起去外這驛丞

不是趙愛軒麼叫住轎下轎末跪外扶介故人相

見各歡然愛軒怎麼行這箇禮老夫不知愛軒在此

一發得罪了末不敢外就請乘馬末豈有此理外
愛軒至親好友又非轄屬不必過謙反非平日相
與之誼了末王爺這等分付驛丞只得遵命了王
爺請上轎外末各上轎馬介末看使星遙指光生
院合待要把濶想離情暫棄捐

雜稟爺到驛了外末各下轎馬介外家眷轎打進
去老夫自與愛軒同話末夫人自有拙荆奉陪外
愛軒別來無恙幾時選出來的尊庚記得七旬外
了一發清健得緊末卑官新任朝夕窮忙前年京
裏王爺謁選還是明經如今就是三品官職可喜
可喜看王爺面上比前倍加光彩也不像六十歲
的

前腔外相逢各自遡流年丑上稟爺酒已完備外不
消你情到何須設綺筵末窮驛總沒甚備辦只求
王爺消停多叙一叙村醪可留得住使君軒外今
日還要過站畧領一盃便是末難得王爺到此怎
便要去幾年纔盼着今朝面難道值不得郵亭一

夜眠

末拱外同下旦上轎中困頓甚覺不爽到得驛館
且自閒步一回整鬢介

前腔瓊釵鬆歎鬢雲偏軟步離披只似眠扶闌行到
小亭邊又被薰風照面輕輕扇轉覺得倒惡聒煩意
不鮮

淨扮女使上夫人那處不尋小姐原來在這亭子
上請去用飯旦飯有甚好吃那丑扮女使上俺們
驛裏奶奶專等小姐上席旦上覆奶奶我心上有
些不耐煩請奶奶與老夫人先坐罷淨丑小姐不

肯用飯怕停一會上轎肚飢哩旦你們不要管我

淨丑怪道嬌娘常減粒聞知宮女鬪纖腰下旦

前腔你聽空庭高柳亂鳴蟬聒得我慘切淒清耳欲

穿如此炎日怎生的意中只覺似秋天你看壁上有

人題咏把長廊短壁都題遍看他墨氣淋漓帶曉

烟

念前詩介好詩好詩後面寫着姑蘇劉軋初題如
此手筆豈非風流才子他頭一句說年少飄零只
一身像還是未娶的

香羅帶。才華誤少年。飄零那邊想。他蕭然逆旅。無姻眷。青衫白面。總堪憐也。你何不乘寶馬。錦連錢。把春花一日都踏還。空策蹇題詩也。搔首唏噓。仰問天。

歎介咳

三換頭。年光迅電無多。流轉看懷人。逸句不覺繫牽。淚介爲何。泪漣敢。閨中也似這弱書生。遭時偃蹇。似我王慧娘。呵埋沒青春也。筆花空自剪。則這些時惡。懊恨難同去年。

再看詩吟介近壁介

浣溪沙。我親靠邊人。非遠想像你。玉樹風前。可惜寫在壁上。恨少三尺鵝溪絹。枉鎖千條蜀錦箋。怎還沒有人和韻。心側轉敢。則待似奴家。有情人特地。

說起的廢和前篇。

我想紫簫若在此。長途慰勞儘可消。憂偶遇着這賞心好句也。大家擊節稱賞。

東甌令人何往。淚難乾。便好句偷看沒處傳。壁間剩有風濤捲。他往水路不到此驛。可惜你無方便。若還似我暫停軒。看此詩呵也要細哦延。

舉筆欲題又止介紫簫若是你我同和一齊題在壁上。也成一段佳話。

劉涖帽。謾誇才子毫尖健。壓不倒閨閣嬋娟。如今只我一人。幾番羞澁。渾難展伊倘重來。奴家這和句。呵也打的堪伊見。

較勝原唱

題壁介。閨中弱質病中身也。向天涯作旅人。暗綠柳條全繫恨。淡黃衫子半蒙塵。老旦上。我兒在那里。旦急擲筆介。外急上。夫人女孩兒外面。夫馬已齊。又有使客將到。你們快些上。轎先行。老旦旦下。

外請驛裏老爺作別。末上。適間多慢。還在前途奉

送外。不勞就此奉別。各淚介。

尾聲喜故人重相見。須臾判袂各潸然。此別應知又幾年。

集唐 長川終日碧潺湲 一路斜分古驛前 老去生涯祇如此 更悲携手幾人全

原評若慧娘紫簫各和一首。如對比文章了無味矣。妙處全在半和。

第十三齣 補和

老旦淨上不向掌中伸細指反從鼻上捏尖頭夫
星不照奴星照一段鄉心萬里愁老旦奴家張阿
連淨奴家李翠娟老旦樞府選取小夫人你我兩
人都不中選也罷了不想反賣做跟隨小夫人的
淨正是張家姐姐你偌大年紀因何還不嫁人老
旦不要說起奴家當初也略有些顏色也有人講
過聘財爭奈爹娘粧喬論千數百阻四推三弄到
如今年紀長了鬼也沒得上門見是過時貨物只
得賤價發行把我賣在人家充箇使女這還是折
本還是賺錢哩若早些出脫奴家怕不早生男育
女也省得口中熬出清涎便嫁箇单夫獨妻何至
向人前看他冷面咳這也是命該如此了總則是
前生孽障枉埋怨今世爹娘淨奴家容貌原看得
過倒是面上多了幾點花粉前自揀選的時節已
自選上了怎奈捏手摸脚那差官忒煞玲瓏好教
我露尾藏頭就略略有些斑駁若是選上了時我
好不會粧小老婆的嘴臉一般兒顫語嬌聲使家
主婆的威風整日價敲奴打婢誰知雙陸無梁反

輸一帖把一箇好端端的奶奶夫人與我起箇號
兒叫做甚麼春梅秋菊我想天下有甚好女子蘆
蓆放在地上與我高低也只幾分那箇又不是大
夫人田雞跳在盤中比我重輕不過幾兩老旦李
家姐姐我是要學舌的叫夫人打你下下截來淨
劣了頭不要慌我本是再出世的無鹽謫下凡的
魔女雖然貌醜倒是命高樞密爺見我古怪形容
反道有些福分他老人家昏花眼力或者也說我
真個妖嬈便坐了第二第三把的交椅怕不打的

你沒規沒矩的花娘老旦只管白話夫人將次起
來梳洗快去伺候淨姐姐那拈花貼翠画眉點唇
奴家一些不知道大家分開奴家只值這箇馬子
便了老旦笑介也罷也罷同下小旦上

風入松慢銀河瀉水鎖孤城如帶迴縈我愁腸九曲
便是河身影還則笑河流急瀉無情古驛何年水嘴
行人一夜心驚

鄉夢難成怕曉鐘枕函敲破恨重重垂頭戢翼憑
羈。繼。不。信。人。情。肯。放。籠。我。紫。簫。自。離。家。之。後。卽。便

解維不能殼消停幾日再通箇信兒後因河決改
從陸路咳舟中雖則愁悶也還是南方光景如今
家鄉愈遠風物迥殊連日趨路甚是疲倦此間是
黃河驛波濤之聲徹夜不絕於耳你看驛亭寂靜
好淒楚人也

忒忒令亂蛛絲床頭暗縈破紙條隙間虛釘通沒修
整冷落非人境行介我這里暗疑猜猛回頭忒那步
那壁廂怕不是鬼影

前面是甚麼人

嘉慶子原來是矐矐日上陰掩映把樹葉玲瓏散一
庭轉過欄邊曲徑分紫蔓絆青藤踏短磴上孤亭

亭子壁上誰人題的詩待我看來念生詩介

丑令看他一般般恨他薄命一星星訴他孤冷可是
一聲聲教奴側聽君去幾時剛留這一首詩詞作証

明

他自題姑蘇劉軋初他是

品令天生少年初學風魔病揮毫擲管特地賣聰明
閒庭悄迥想出他徊旋影怯怯低叫怕有箇人見應

下邊早有和韻敢是我孤幽。冷。之。想。竟逐響尋聲先和成

念旦詩介原來和詩的也是箇女子

豆葉黃這錦心繡口也出娉婷我則道世上只我多

情看他的詩呵應笑我心兒還硬他道閨中嬌質病

裏遠行只三四句不堪人聽只三四句不堪人聽怎

不全和想攔筆沉思百感俱生

玉交枝不全題咏看詩餘又不署名你看女人家簪

花媚格溫柔性終不似那書生掃千軍筆陣縱橫看

驚介呀這詩是小姐寫的驀然瞠眼心暗驚好似

舊時閨閣多嬌倩淚介早教人珠淚頓傾早教人珠

淚頓傾

呀差了小姐正隨老爺夫人在任怎麼到這驛中

來想介敢則怕老爺陞了我在家時並不曾有這

信息就是我行後陞遷那有行程反在我前面的

月上海棠枉繫情羞花長伴桑榆景筭金鑪畫省那

到郵亭小姐你只恨載離愁畫舫偏輕又誰知趨道

路把飛旗重整小姐你便想我念我夢我呵只好心

相領水陸岐途怕夢魂難定

又看介這詩不是小姐所作爲何口端墨跡相像
得緊只怕還是他做的

六么梧桐新詩雋冷誰人得似一往深情便則這劉
郎壁上有同聲可須我續貂成我想那劉郎和韻的

女子和奴家呵通本開一樣飄零合結天涯社盟

待我補和了後四句題介真娘墓上空題句燕子

樓中幾度春十斛珍珠等閒看結勝原唱不如荆布本來貧

擲筆淚介

江兒水亂酒無梢泪如何掛淚掛壁丁但似這隨人適意閒聯

咏便平生隔面稱同病你則聽臨風朗讀能相應空
自車塵逐騁翠繞珠圍不與風流消稱

倒介老旦淨上呀噯夫人怎麼倒在地上快扶起

來扶介

川撥棹這間荒徑獨行來忒冷靜小旦我一時間倦
眼難撐我一時間倦眼難撐軟哈哈頭低足輕合且
扶將欄上凭怕吹來風不應

老旦敢有甚疼痛

前腔小旦我的心腸只自疼淨身子有甚不好麼小

旦深。情。苦。語。我的身軀原可憎。老旦淨敢着鬼了。小旦那壁

上現顯出精靈。那壁上現顯出精靈。老旦淨啐介小

旦幾時得昏迷再醒。合前

旦內掌號介老旦淨外面夫馬已齊夫人這等體弱

怕行不得旦只管扶我上轎休要眾人守等

尾聲你與我輕輕襯得到前廳自離家便做出這般

嬌病還則怕今後游魂滯驛亭。

集唐 一來羸寫一聯詩 發遣將軍欲去時

寂寞江天雲霧裏 斷腸煙柳一絲絲

原評紫簫先行後和好 一詩首尾已具大小次第

第十四齣 見和

末上顧鞍上馬還誇老錯節盤根要見才官小不

堪人作踐王勤那怕客頻來我趙愛軒做這驛丞

好不幸苦昨日樞府家眷過整整用六百多名夫

驛夫不殺只得照依舊規派扯鄉夫補湊騎上百

十匹馬虧老夫筭計與前驛後驛寫了合同暫時

協濟那跟隨的人除坐馬看馬包馬外又要甚麼

惜馬錢轎上要押轎錢擯上要押擯錢扛牌的要

開鎖錢吹旗皂壯執事件件完備還要折軋幸得
差官是紹興人終有些香火之情都照那箇舍人
生頭生腦一味蠻狠不把我老人家喙在肚裏了
還有一件奇事打聽那箇小夫人不是揚州所娶
說就是運使王爺的女兒這老頭子奉承過當怪
道一箇明經不三四年就超陞了四五級他女兒
起身在先水路遲緩又因河決改陸耽閣了幾日
所以昨日纔到那老頭子一聽陞遷巴不得連夜
到任前日就過去了前前後後大家不知若是我

預先曉得這事留在驛中等他父子再會一會也
好查點伺候一夜不曾合眼不免進去息一息下

生策馬上客窮方信居家好性惡偏嫌策馬遲我

劉軋初自青州回來歸心如箭今日喜將到黃河
了

一江風淚難收旅况誰禁受馬骨和人瘦沒來由髮
漬泥黃衣染塵淄把面孔風吹厚長公兄你應須替
我憂應須替我憂我心中替你愁怕長途還不似邊
塞難行走

我一路見乘傳的使客儘多惟有方纔過這一起異常赫奕寶幢翠蓋画戟彫旗侍女無不乘軒豪客悉爲驂乘劉軋初眼中從不曾見這富貴氣象勒住了韁正要觀看早被他前導呵叱趕下馬來屏息遠立頭也不許一擡咳這也是自己不才被人欺侮

前腔日含羞跨下遭凌詬敢把眉痕皺便如他物彩

衣光錦陣香雲總在我書中書。痴。自。負。之。狀。有你何須笑我儔何須

笑我儔當初亦我流世情恭倨也只爭前後

說話之間已是黃河驛門首下馬介馬牌在此有

好馬乞揀一匹丑上好馬好馬歪驢子也沒箇影

哩生爲何不應付丑你不曾見過去的差使麼樞

府家眷用馬百十餘匹各驛互相協濟還不設騎

便是大老爺到也沒得答應這樣馬牌且閣過一

邊生我是久出外要歸去的丑你要歸去與我何

丑生只求一匹丑馬牌上原只一匹怕你要了兩

匹不成你且在飯店中住幾日等要緊差使打發

鬆了你然後來下生喚不應介怎麼好且往裏面

去略等一等少不得還有人出來我記得前日過

此魯題詩亭壁之上看介

紅衲襖當日箇氣如虹不禁在筆下流你看勢如龍

還在壁上走今日我呵過岳陽敢要醉三番酒詩呵

到玄都可還識我前度劉喜的不曾被俗人輕抹勾

經惡雨連滴溜則怕我今朝還見不得詩兒也少箇

紗籠在上頭

下面早有人和韻怎不記姓名念旦小旦詩介奇

哉奇哉和詩的口氣不是女子麼

前腔你本是插金釵仕女頭倒有這獻金門詞賦手

往來人每日千蹄湊短長吟怎不見半句酬有甚麼

好男兒意氣投翻招得俊嬌娃作筆硯友敢便是前

生結下的姻緣也仙驛藍橋繼昔遊

仔細看來前四句與後四句筆仗不同

繡帶兒銀鈎樣雖然各構依然一樣嬌柔况詩情一

氣呵成恰便是倒峽同流閒搜閨房幾個稱佳秀此

番道路偏先後難消受雙雙莫愁阿叟我那美人摸

壁介摸着這壁痕偷親虛樓

他前面說閨中弱質一定未嫁後面說不如荆布
又像是嫁的了。

前腔情思路幽折塊閨中質未會禁受怎輕訴舊恨新愁呖原

是兩個人敢這邊尚守孤幃那壁已上秦樓還求
關雎若早成佳偶為甚翻思荆布心拖逗則怕也未
嫁人章臺柳青青嫩柔總不許攀折悠悠人手

你看墨跡未乾好似適纔題的呀這桌子上委有
筆硯還留得一池好墨

宜春樂筆還濃墨未皴映風光菁英射眸好一陣香

嗅壁介壁端清嗅餘香宛印嬌紅袖噴桌上幾點

還是水還是淚疑甚趣甚嘗介果然是秋波中親滴下來的

酌金莖沆瀣高承捧冰壺薔薇初剖執筆介想如黃
指柔曾將斑管穩捏輕勾

他詩中說直娘墓燕子樓比衫子蒙塵更覺苦楚

又說十斛珍珠等閒看不如荆布本來貧分明是
貧家之女人買為妾心上下不樂故有此咏

醉太師清幽心輕富厚任明珠拋灑身去心留情非
暱就把錦鴛鴦浪鎖強囚休休佳人無意難逼湊不

怕你將相王侯。情緣有青衫。敝表但氣韻。因依倒憐。
孤瘦。

我想才色兩絕。招致頗難。必是極有勢力的人。方肯重貲。廣選。哦。方纔驛夫說過去。差使是樞府家眷。必然是他買來的美人了。又看介丑上。那箇人初說要馬。怎生一進驛中。再不出來。敢是白撞剪綰的。裡面還收拾不軋淨。酒瓶茶壺。怕盜去了。就是後邊亭子上。錫筆硯。也是要緊的。不免悄悄探他窺介生。細玩詩詞。定是樞府所娶我那美人呵。老樞密老樞密。你怎麼受用得起。

學士解醒。他待要把春色先歸十二樓。二喬銅雀空留。哭介美人。我看你韻如清磬。從風送。怎忍見你命似殘花。逐水流。卿憐我。意相哀。告我負卿情。失好。迷。真。憊。慙。怕。愁。腰。瘦。斷。不。耐。今。秋。

丑你敢是失心風的。生正要問你壁上詩是誰寫的。丑不知。生是箇女子。丑女子在那里。這是官府往來之所。不是當耍。眼淚鼻涕。別處利市。休得污穢。地上費我打掃。推生出介。生叫介。叫地方凌辱。

學較末上忽間人語沸頓覺睡魔清甚人在此爭
開丑不知他是甚人一徑走入驛來哭了兩個時
辰我說使客往來之所不當穩便扯他出去他就
放刁叫甚麼凌辱學較末既然是個相公不要放
肆請問相公貴處到此何幹生小生劉軋初姑蘇
人氏前從貴驛經過題詩壁上今次轉來只見有
箇女子和了前詩老丈你可曉得是那一起差使
的家眷麼末驛中使客往來不絕知是那一起生
老丈樞府家眷行後曾有甚麼人到驛否末還沒

有生頓足介題詩女子一定是樞府新娶再無疑
了末背介是了是了那王老頭子要招箇好女婿
女兒家不願嫁老丈夫感憤題詩想是有的向生
介老夫雖不知詩相公尊作必然絕妙樞府家眷
多應看上相公的詩故此和韻生鼓掌介我劉軋
初虛度二十歲尚無室家似這等有才調有情致
的女子意中常則想他眼中不曾見他豈可當面
錯過罷罷我也不回去了僱個生口星夜趕上出
銀介馬頭這一兩銀子快僱馬來丑收銀介生你

起初怎說沒馬丑相公初先馬牌是半張紙只好
應箇紙馬如今有了見銀或僱或借就是變也要
變一匹來末馬在何處丑還剩下一匹將死瞎畜
末不要騙相公把銀子還了可牽我坐馬送相公
一程丑還銀介世間厭物無過老命裏仇星慣退
財下末相公這樞府家眷敢曾見他來生
大節高何曾識半面嬌羞末敢是舊親生也無緣扳
故舊末爲何趕他生則他春詞驀把情苗逗韁兒溜
轡不收鞭還驟奔騰意馬渾難扣引得我天涯海角
胡行走末樞府何等威勢就趕上怎能覈見他不如
歸去休作痴想生便桂影高懸不可攀踏梯也索
風前嗅。

末相公可曾用飯生清早起行尚無湯水末且到
敝衙用些便飯慢慢走趕生老夫哀王孫而進食
就是漂母了

尾聲謝慰安蒙款留只怕王孫未必似韓侯可能覈
玉帶留題誇壯游

集唐佳人留眼此中題 尋逐春光着處迷

應是阿劉還宿債。碧桃花發武陵溪。

原評樞府家眷想之無益况追之平然痴人每有痴
遇天下便宜正不令垂人占盡也

第十五齣 邊略

夜行船引小生引衆上霜。劍床頭一夜吼粟花寒。急
起披裘四野軍聲三通戍鼓報國丹心白首。

空列戎行戴鶡冠塞垣無計縛呼韓腰間劍影渾
如水醉倚胡天拭眼看下官蕭一陽是也謬舉才
略作鎮盧龍俺本是書生安知將略只曉得廉能
生勇威寓於恩咳除了這老生常談還有甚陰符
秘術到任以來號令一新旌旗改色有部

落作亂發兵勦討未知勝負何如今日親散軍糧
順便犒賞看轅門開處將士早則魚貫進來也外
末扮將老旦生扮軍上三門盡列河魁將五壘全
收太乙軍進見介各營將領帶領軍兵叩頭小生
你們錢糧若憑轉發恐有扣留不沾實惠本道將
折色親自包封當面給散本色照樣闕籌唱發咳
你們軍士呵

惜奴嬌序博倉刀頭這捐生衣飯忍將尅扣咳將官
看萬條枯骨還博不得你一將封侯堪羞愧無卜式
家貲厚反來賸膏脂抽皮肉外末唱名分給銀包糧
籌介威武營神機營忠勇營左右中前後各哨老
旦生分領介小生我把陋規勾但得軍無枵腹我
減倉何憂

將較今日領糧甚是齊整分付大開轅門各演技
藝本道另有犒賞各應介小生臺上巨石千斤誰
人能舉得起外舉石走三匝衆喝采介小生好漢

予賞銀牌一面那柳枝高處掛着箇小小金錢射
中金錢之眼方爲妙手末連射三中內擊鼓各喝

采介小生雖養由基神技不是過矣就把金錢賞
他麾下軍士各顯所長老旦執刀生執鎗虛鬪介

小生你看鎗似攢花刀如撥雪四臂齊交八蹄並
舉一上一下一來一往鬪到數十餘合全沒半點
輸贏委實好手段也且各收拾上領花紅老旦生
奪花紅介小生花紅都備得有不必要爭奪分付扛
牛酒過來雜扛牛酒上介小生今日暫當個奏凱

論功各自飽餐暢飲

黑麻序。颼颼髮指。攬蓋看碧天。秋水劍氣橫流。這些

虜騎呵。向陰山夜哭。敢來馳驟。衆這破格賞賜都

是老爺清俸。將士們怎麼敢領。小生難酬你。眠將

鐵鎧柔。喰成雨雪。懔我這俸金。能有幾多。暫椎牛總

皇家祿。賜敢自私留。

衆笑舞介。小生你們有甚喜來。衆軍士錢糧實救

關領。又有銀鈔賞賜。大吹大插。一齊醉飽。怎不歡

喜

五供養犯陽春。敢愁便草木窮邊。也要回頭琵琶馬

上。擗少陵出塞曲鼓帳前。吹葡萄。滿甌聽。鏡歌幾番雅奏耳熱

生風後。唱伊州。頓忘却小婦樓中。把玉笙吹透。

衆哭介。小生你們有甚悲來。衆老爺在此軍中。絲

毫無所取。反捐俸犒賞。感激深恩。泣然出涕。

沉醉東風感君恩。無處歌謳。早不覺淚痕先逗。只聽

得戍樓頭角聲兒。淒愴更胡笳。慘切相奏。沙場罷休

沙場罷休。爭思斬盡樓蘭。把壯志酬

小旦扮報子上。報報報我兵與。交戰大獲

全勝生怎見得

錦衣香小日我這裡呵踐蟻丘無格開他那裡呵奉

鼠頭齊奔走這場廝殺好不熱鬧看將血海平開肉

山堆就風聲鶴唳總生愁名王可汗盡作俘囚隣

通驚懾遶邊城幕帳潛收馘斬無遺寇元克授首把

凱歌再翻捷書早奏

生營前領賞小日應下淨扮酋長丑扮

雜稟爺

酋長率領大小

男婦在轅門外乞降生令旗引進淨丑進見拜舞

介生

你聽我道

飛水令我與你隔鴻溝原無怨讎為甚的出狗欄潛

小竊偷我待要燒殘水葉把山搜耄齒無留玉石齊

和竹要把千刀惡一筆勾只喜得聖王大度能含垢

姑替你姑替你堅請包收休得要休得要再負洪府

淨丑拜舞介

下衆

部

落作亂既已勦除

酋長離叛又來歸附邊

庭從此可以安枕而卧矣小生

尾聲

難馴就他斂爪牙做權時

將較

軍士們你休得說邊塞粗安把備不修。

集唐

千羣面縛出蕃城 今日爭誇細柳營

天子預開麟閣待 始知名將出書生

原評將不愛錢士卒自不愛死何夏匈奴哉

第十六齣 追車

北新水令 生策馬上殘骸斷鏃莽煙堆舊彭城英雄
戰壘河傾今古淚山織去來蹄四轉三回四轉三回
我敢圖甚麼名和利下

南步步嬌 小旦丑雜行上流水車兒如龍騎人負雲

霄氣行光十里齊遍谷騰山照耀羅綺四面列旌旗
恰便似出塞軍容麗下

生上 前面塵頭起處想必是他了

北折桂令 看亂征雲濺起塵泥加鞭介我鞭影頻加

手力先疲馬不行介只得把玉勒搖提雙靴蹬躋花

領插搥馬忽行介則見他高掀後轡跌介又誰知反

蹶前蹄起笑介險些做折臂良醫馬呵丟得我連身

拗痛怎跌不去滿肚癡迷下

末外扮官上 衝途苦供應時事尚趨承樞府家眷

上京俺們沿途地方官各備禮物境上迎接小旦
丑雜行上末外地方官員稟遞脚色手本親送下
程丑起去禮物都收雜稟爺禮物損重擡不起丑
分付添夫送來食品賞賜你們罷雜謝爺賞

南江兒水丑繒帛添夫昇珍羞濟卒饑你看這些官
員輿前簇簇堪成隊道傍箇箇能長跪書中滿滿
都裝賄生衝上丑雜喝介何處窮酸餓鬼一路追隨
打介打你箇不知迴避下

北鴈兒落帶得勝令生你開闔闔偷將彩鳳圍還要
惡狠狠把我潛龍戲你道我困蓬蒿似乞兒我還待
搶絲鞭成佳婿美人你坐襜褕還只似鎖深閨怎知
我棄家鄉早爲你攀征轡空自趕輪迴不捨得香車
離怎奈隔威儀敢輕將玉貌窺雖則如此還須趕上
竟把他詩高念看他如何發付小生忙追便吾遭

辱吾無悔詩也麼提難道你聞知你不悲下小旦丑

雜上

南園林好小旦伴夜月止聽烏啼望青雲空羨鳥飛
生衝上高念十斛珍珠等閒看不如荆布本來貧

又連念高念介小旦誰高唱壁上新題生近轎雜
拿介這厮可惡快把鐵索鎖了帶到驛前拷打小
旦分付差官不許左右嚇打行人雜夫人饒你太
便宜了還不走小旦微開簾介偷着眼俊風儀偷
着眼俊風儀下

生幸得美人分付免了這場鎖打美人美人你直
如此疼痛小生叫小生怎生割捨得你

北收江南餓蒼鷹敢飽看這小醯雞便困丹山威鳳
也無威活觀音立地現慈悲提出了網圍若沒有他

呵險些兒燒斷紫芝眉下

小旦丑雜上生衝上雜喝介這厮打不怕又來了

生又念前詩介雜元來是個癡漢小旦淚介

南僥僥令詩成偏有淚情到自然癡生則小生便是

姑蘇劉軋初了小旦可知他語響丰神都飄曳秀

才秀才果是我向郵亭親和伊向郵亭親和伊下

生美人說話雖聽不真他把簾兒頻頻褰挽好不

注意於我

北沽美酒帶過太平令風過處馬亂嘶風過處馬亂

嘶聽不出鶯聲細。但只見繡帶垂垂。逗絳帷似飄蘭
拂蕙。伊心事我都知。則沒計支開奴隸。故拋下斷殘
珠翠。那里討押衙神計。空辜負紅綃高誼。我呵心伊
念伊。你待要疼誰痛誰。呀。乍籠鞭。早不覺玉人迢遞。
連日走得辛苦。馬又走不動。且暫安息。明日再趕。
店家有麼淨上。廣招天下客。安歇四方人。相公請
到裏面去呀。衣裳都是汗浸了。脫下涼一涼。生脫
衣介。

北尾果然是偏身兩液淋漓矣。淨相公用夜飯。生困

騰騰忘却疲饑。店家這是甚麼地方了。去京多遠。淨

這是河間府離京只有三四日。生猛拚着追。山趕

水到京畿。難道走上天關再無地。

脉脉春情更泥誰。還將此曲暗相隨。

集唐

美人一笑褰珠箔。自去自來人不知。

原評先後追趕傳奇。往往有之。此齣將和詩點綴關

目挽合處如穿針鬪筍。

第十七齣 祝鹽

菊花新外引雜上。水晶宮裏莽排衙。沸海凝波湧雪。

花老大負年華可還憶鹽車初駕

少年枉自說塩梅白髮而今志已灰不讀海工經
國論牢盆衡石總常才下官王仁謬借河功特領
塩務蒞任之後例當祭海因此來到天津咳官便
陞了幾級日與商賈爲伍倒不如做廣文的時節
相處幾個秀才雖則寒酸也還文雅丑扮大使上
綱頭鎮日和他混淨扮商人上竈戶經年替我忙
合若要人心醫得足海波盡數變塩霜進見介丑
天津衛塩場大使叩頭淨商人叩頭丑淨祭禮已

完請老爺望海拜禱外拜介待下官自禱一番我

王仁呵

駐雲飛黃卷生涯心計全輸桑孔家皇命須詳察國
用難逋掛喙玉女莫胡麥毒龍驚怕積雪飛霜上下
邀純嘏似瀑如飴未足誇似瀑如飴敢再誇

丑淨拜介海神爺新官到任在此祭告我們呵

前腔倚海爲家喫不盡茫茫海上沙總是天成化還
仗神呵壓喙只願滴水便成花滿場堆場日夜翻騰
十倍前番價共祝新官福分加全靠新官福分加

外拜禱已畢可將祭品分散你們且把塩中規則
利弊陳說一遍丑稟上老爺俺大使呵

前腔官命低洼止賴恩爺委驗查外查驗甚麼丑引

號常充價幫尾多私夾淨老爺小人們極守法度的

啖頗有小身家非同棍唬靠本營生利息隨他罷老

爺若有餘銀送進衙舊例餘銀送進衙

外陡好胡說且聽我分付我雖是箇明經出身

前腔清白傳家莫笑區區井底蛙大使須要依官法

商人須要平時價啖指丑介你若是借稽查生端

嚇詐丑小官不敢外指淨介短秤輕包沙石和低假

淨小人不做這犯法的事外事發通同總問拿事

果通同先訪拿

烏紗帽上有青天 道在人間或可傳

集唐 清水莫教波浪濁 歸來不把一文錢

原評老王自是清白吏不可以躡轉抹殺

第十八齣 遭妬

鵲仙橋淨上玉堦微露銅龍侵早熱鬧翻嫌冷悄任

千官簇擁上清朝怎得似可人回抱

號令雨雲來入夢差排烏鵲去填河黃金白壁渾

閒事愛聽燈前子夜歌老夫官拜中樞身親禁密

前日揚州府一箇王通判送女兒與我為妾我道

也難為他就輕輕的陞他做鹽運使舍人馳報小

夫人早晚入京心上好生懸望小旦丑雜隨上

似娘兒小旦兩頰暈紅潮羞不了怎樣開交平時只

說長安杳行來幾日愁過昨夜怕到今朝

丑進介差官叩頭小夫人已到府門淨你這官兒

倒也幹事紀叙一功另候委用快請小夫人進來

小旦進見介淨眾人迴避丑雜應同下淨笑介果

然天姿國色絕世無雙我好不快哉好不樂哉

掉角兒序喜嫦娥初離碧霄恍神女遠辭仙嶠粉粧

成粉無恁嬌玉琢就玉無仟俏儘着人輕輕調慢慢

敲我的心肝低低叫心癢難熬樓介向前樓抱小旦

推介淨偏生作喬休推調天長地久共同歡笑

小旦哭介怎麼好

前腔念殘姿似凋蒲敗蕭甚嬌容得沉魚落鳥淨再

要如何標致小旦只好稱寒家荆釵布袍守蓬門

做個田姑村嫂誰承望朱門香玉堂高金屋悄怕無

福勝消淨休得過謙小旦老爺可憐放奴回去奴親

齒老奴家路遙放歸巢姻緣不對勸你別求燕趙

淨既進府中那有回去的理就說拜門歸省且等

兩年三載小旦哭介淨不要哭壞了

前腔泪絲兒似花梢雨飄哭聲兒似窻前鶯報怕一

路來耽驚受勞再休得要尋嗔生惱你看我烏紗帽

白玉條團花襖女壻還嬌是了敢是嫌我年華高邁

不知我精力堅強則看白生生面貌黑油油鬢毛

還有腰間寶儘堪祭付不須焦燥

丑扮夫人忽上淨謊介不好了夫人來了丑我在

屏門背後聽了多時這分明是九尾妖狐好作打

的無知老狗打小旦介還不跪下小旦跪介

前腔丑分明是粉枯體粧成阿嬌笑你個朽棺材還

來胡攪那個賣風情假意撒挑這邊沒魂靈用心求

告你們兩個好了要我何用哭介拚得繩頭了刀下

拋池中跳任你逍遙淨跪介我的娘快不要如此丑

咦兩個跪在一處倒像拜堂哩淨小旦各起介丑

你方纔賣弄面白只是一臉花粉惟有鬚髮是直
白的假把墨搽了鬚鬍墨冒面憑粉調好不羞精
神倒幾觔鹿角那此靈効

這花娘隨我進來鎖禁房內不怕你使五顯手段
撮了去丑引小旦同下

尾聲淨命不該花星照反惹出這場姍笑咳你們看
的也不要笑我獅吼河東非一朝

集唐
織織玉笋裹輕雲
新換霓裳日色裙

隔斷紅塵三十里
昭陽更漏不堪聞

原評此姍婦燥脾事演之未有不喜者只嫌作花面
耳然花面男子正湏花面婦人處之

第十九齣 客窘

生破衣上鵲突含糊幾向詩教人壁上害相思間
關歷盡人何在自覺悲來自笑痴我劉軋初爲着
題詩女子自黃河驛前直趕至京他一徑的進樞
府去了撇下我孤身狼狽長公兄送我的銀子放
在行李中因爲心慌失於檢點早被馬夫盜去只
剩得幾件衣服當來度日眼見得又將盡了店中

房錢又緊如何是好且到街上走一遭再訪那美
人的信兒難道樞密就收留你你就肯跟隨樞密
了
香柳娘似你這清才俊麗這清才俊麗害潘羞宋笑
蝦蟆妄作天鵝夢想多嬌此際想多嬌此際慷慨拒
狂蜂貞烈守孤鳳豈糊塗附寵豈糊塗附寵一葉秋
風把連城輕送

咳既入府中若有不順從的事

前腔怕他家勢臨怕他家勢臨逼令承奉任巧鸚哥
也掙不出金絲籠記途中趕上記途中趕上細語漾
輕風墜粉留殘踵笑書生情懂笑書生情懂總伊家
負儂我還將伊痛

呀那邊就是樞府不免向前探訪咳嗽介丑上蕩
蕩中樞府巍巍闕闕門誰人在此生大哥拜揖了
丑 哇誰與你施禮

前腔看零丁破衣看零丁破衣透風千縫花子樞府
門上不是行乞的去處勸伊別處求齋供生學生

是箇秀才丑 哇那里尋這頂開花頭巾戴了就說

是秀才我曉得了是山人星相是山人星相你不
見告示麼至於山人星相尤所厭絕妄鑽書帖薦
引門上槩不許收違者重責不恕告示不相容書
帖都無用生學生不是星相是你老爺新娶小夫人
的表親特來問信丑老爺娶小夫人行李粧奩不
計其數那有這窮敗的親戚你說小夫人是那里
人姓甚麼生不應介丑打介這一發犯告示上禁
約了敢指親惑衆敢指親惑衆棍打西風法條難

縱

拿生介生急走下介丑這箇花子拿到城上去便
好虧他脚快正是得放手時須放手好饒人處且
饒人下生上險被這廝拿去幸得走脫我如今往
那里去好待要還家又無盤費

前腔似茫茫喪家似茫茫喪家故鄉徒夢美行人早
把歸鞭控便同鄉有幾個在京作官的要去投他不
知蘇州會館在那里又怕衣衫藍縷門上也不容
相見怕朱門杳閉怕朱門杳閉氣燄總騰空管甚
麼桑梓曾相共我想長公兄見任盧龍去此或亦不

遠只是身無錢鈔寸步難行歎藍關雪擁歎藍關
雪擁命逐孤蓬敢只在長安葬送

〔淨〕上得瞻輦下威儀盛方識寰中法界寬呀前面的好像劉相公〔生〕那個不是青州李公差麼〔淨〕劉相公你緣何不往家去倒進京來〔生〕我想長公兄好情徑往盧龍探問不期馬夫拐去行李流落在京公差你爲何也進京來〔淨〕相公聽稟

前腔自恩官啓行自恩官啓行士民心痛我特將碑頭遺愛親贖捧〔生〕難道只爲這幾張墨刻千里遠來

〔丑〕不瞞相公說凡邊方効勞吏書
敢還有甚公事
咨送吏部就選官的望乘機挈引望乘機挈引老
爺呵若念舊跟從好把名咨送〔生〕我一身流落怎
了〔淨〕你何須苦勸你何須苦勸同上盧龍還得似

前番陪奉

〔生〕如此多謝了

前腔我衣衫典完我衣衫典完資囊傾空故人天際
雲空擁喜伊家並轡喜伊家並轡絕處更相逢巧事
渾如夢咳我到盧龍去倒也罷了是誰人和詠是誰

人和詠觀面無從只落得口提心誦

淨相公暫歸寓所明早出城罷

隨君走馬向新豐 一徑縈紆至此窮

集唐

惆悵題詩柳岸隱 朔雲邊月想朦朧

原評劉生一窮如此乎窮不極情不深李公差一遇

有絕處逢生之妙

第二十齣 問婢

齊天樂 旦上 紙糊泥蠹閒官廨 去住幾人爲客 草沒深堦 鳥喧幽閣 還似維揚舊宅 風光頓改 覺木暮陰

凝過雨塵開 又渡桑乾 遷移人地 總堪懷

訴衷情 綠樹沉上 庭院靜 報新秋 風景別 好夢憶

揚州樓上有人愁 悠悠鄉關任阻 修總淹留 奴家

隨任長蘆 一路辛苦 得到衙舍 身子略覺爽些 只

自從那日 過黃河 驛看了壁上八句詩 見我心中

十分愛慕 咳不知是你才多 還是我情多哩 我想

那日呵

刷子帶芙蓉 昏頓少佳懷 新詩到眼 方喚心開 掛壁明珠 行行歷落 勻排多才 儘訴出自家情態 叫不出

箇人兒。憐愛好。難禁耐。你敢則故來。丟調女裙釵。

奴家屬和纜。及一半。忽促登輿。未成全詠。

朱奴剔銀燈。想韻調。初終不諧。看詩讖。已無全采。

一半相連。一半開。怕結下斷頭。冤債若劉郎。再到此驛。

呵應猜笑。閨中乏才。似抽盡江淹筆彩。

淨上 奴家喚做紫雲。一向隨侍夫人。姐姐紫簫去。

後滿房。惟我稱尊。只因小姐無人代侍。叫我充他。

替身頭。又梳得不好粉。又調得欠勻。撥動猶如算。

子搬弄。好像猢猻。咳紫簫姐。我既然頂了你這頭。

門戶。終須踏你過去。的脚跟。若是樞府再來娶妾。

區區便第一。應輪小姐。你在此。自言自語。甚覺無。

聊何不同。紫雲到後。花園閒步去來。旦這衙中也。

有花園麼。淨小姐。比揚州後衙的園子。更是廣濶。

一般兒。也有亭臺池沼。好耍子哩。旦行介。你看大。

火西流。金風細。襲人衣袂。早是初秋光景了。

普天樂。舊亭池。都傾敗。老荷花。開還懈。可爲甚。景入。

秋來。偏則我尚滯春懷。淨小姐。聞草消遣。些兒。旦看。

草色。非新艾。淨打鞦韆。何如。旦那弄影鞦韆。空自在。

斜陽外淨扶到臺上去旦倩嬌扶穩上高臺合好繫
任留仙錦帶怕踏綻了小鳳新鞋

望介淨小姐此間望北便是京師了旦我想紫簫
此時應到京師苦無消息

鴈過聲堪哀臨風汨灑猛然間簪分鏡開你芳蹤不
在天梢外順風招可能來你敢還目斷舊日衙齋音
書通阻隔若知燕雲一派同秋色你可也翹首京南
一上臺

淨小姐園中又不肯要子且回繡房做些針指旦
這箇還是淨待我也趕上一隻鞋底旦做生活介
自紫簫去後久不做生活了

傾盃序拈來歎金針鐵裏埋繡線塵籠蓋呀這是前
日同紫簫做的半幅長裙半折兜鞋未成花朵未
了嬰孩看殘紅斷線追思那日碧紗窗外趁芭蕉兩
人同倚綠分來

淨紫簫姐果然做得好

玉芙蓉鮮花似日裡開嫩柳在風前擺旦這便是他
目譜麗容嬌態淚介我則道暗風吹雨將他壞却是

我熱淚從心滴下來人兒在看纖纖手裁紫簫紫簫

淨小姐只紫雲在此日旦猛擡頭幾回錯喚眼還揩

咳紫簫我要見你也不能殼只這幾條針線宛如

對面若把你剩下的詩箋反復展玩怕不熱親親

侍我左右翻書介

小桃紅喜繭紙留文彩映草色縈書帶這是韓家舊

稿香奩格誰想做春秋絕筆渾無奈你若想紫簫又是驛中同

看應稱快怕不再添上幾句喬才

老旦上○劉○生○妙○世事假來不怕假人情親上更宜親女孩

見衙門中有人進京謝陞順便討紫簫的信兒你

有甚物事寄他旦

尾聲女孩兒家無物堪攜帶只有他剩下的針頭線

尾殘書袋老旦還有旦還有淚點重重封上灑

集唐 玉人何處叫吹簫 遠道音書轉寂寥

欲識九迴腸斷處 護霜雲破海天遙

原評劉生原未相逢紫簫既已遣去宛轉柔腸牽繫

不已慧娘信多情人

第二十一齣 良晤

臨江僊 小生上倚劍天山拓漢關儒生初學登壇難
容榻側睡聲斲刀痕霜共燦弓影月同彎

黃石無傳漫借籌一心惟繫廟廊憂功成不必皆
同賞李廣威名豈在侯前日

歸附飛檄奏聞我道爲何久不奉旨不想樞密院
聽了何金吾之計掩匿功次攘爲已有近接邸報
滿朝優叙封蔭陞賞下官止虛加服俸一兩級咳
我也罷了只是邊庭將士暴露勞苦賞賚涼薄不
足激勸將來誰肯用命軍務初暇忽憶起劉士元
兄來我離任之後不知他會到青州否不知我遺
下的書禮會送他否不知他已歸去否好生放心
不下

生查子 生淨上秋出玉門關羞見南來鴈友誼主恩
多索把程途盼

末遞帖介故友劉相公相訪雜門上有一相公求

見小生劉兄到此快請生淨入介小生一時相見

人猶故生轉憶相違歲幾新小生牙幕周郎資遠

策生綈袍范叔笑長貧淨青州舊役李本叩頭老

爺遺愛碑文呈上小生多勞你遠來了净不敢生

小弟到得青州正值長公兄離任之後只見士民感慕到處建祠豎碑小弟怏怏而歸歸至半路思念長公兄高誼復轉馬首一徑往盧龍來不想途中爲馬夫所賺連長公兄百金之惠都盜去了流落京師正在無奈幸遇公差周旋方得到此小生劉兄爲小弟一至青州再至盧龍旣多跋涉之勞復罹饑寒之苦小弟銘感有心惶愧無地左右快看酒來與劉相公洗塵舊役且在外廂用飯净下

小生生各遞酒介小生

梁州新郎沉槍苔卧油幢槐散喜烽火秋來暫罕森嚴戈戟塞垣自覺先寒看青霜頓老玄鬢初驚旅意生征鴈屋梁空落月夜光殘妙句忽對今宵夢裡顏合言不盡喜無限歌喉慢把伊梁按宜細酌且更盞

生長公兄你把

前腔攬槍潛掃腥羶全鏟功德莊書竹簡輕裘緩帶儒流未必偏辱小弟此來呵待閒同賭墅靜對投壺把露布先呈看久留徐孺榻謝陳蕃敢自趑趄行路

難合前

前腔小生擁旌旄坐鎮三韓諳韜略羞稱韓范怕尚
遺君父焦勞宵旰劉兄望你三千禮樂十萬甲兵借
箸資籌贊我則道雪中千里駕已空還誰承望冒暑
衝炎到漢關合前生

前腔羨班生早懾樓蘭愧甯子未辭牛飯望軍容早
驚透秀才酸汗看如霜邊月似雪胡沙一夜回鄉眼
背介美人美人無人知道也外邊寒我則待吹淚

西風寄玉顏合前

小生劉兄久別乍會正好暢飲為何鬱鬱不樂敢
有甚心事生不欺長兄說小弟前往青州打從黃

河驛經過曾題詩驛壁之上念介小生佳作佳作

生小弟不遇長公兄歸途又過此驛只見有箇女

子和韻念介小生和句清新俊逸出自女子大奇

大奇劉兄也曉得這女子姓名麼生姓名不知只

訪係樞府揚州所娶小弟一路追趕他徑入府中

至今朝夕牽繫不能去懷小生劉兄謬矣既是樞

府所娶想他何用生事雖如此情實難已小生劉

兄少年未娶寥落不堪有所見聞便自沾帶分付

軍中女妓走動老旦旦扮妓淨丑扮胡女上舞低

楊柳樓心月歌罷桃花扇底風女妓叩頭小生你

們淺斟低唱奉敬劉相公的酒老旦旦淨丑奉酒

介

節節高紅裙擁玉山勸加餐纖纖捧定葡萄盞聲聲

慢絮絮彈低低按軍中全部番和漢紅氍繡幕燈花

燦合人生離易會偏難相逢不飲空長歎生

前腔鳴笳疊鼓殘樂聲繁任教敲徹紅牙板小生劉

兄有所屬意小弟已備纏頭之錦了生顏還報淚

欲潛心渾懶臙脂山下人來晚同心何處能牽縮合

前

生小弟竟大醉矣小生分付張燈送劉相公書房

中安歇老旦旦淨丑笙歌歸院落燈火下樓臺下

雜送生下小生喚青州舊役進來淨上謝爺酒飯

小生你適纔在京中來可曉得樞府近日事體麼

淨小人進京只聽得人說把老爺邊功隱沒假報

已功合京公論不服小生我也知道還有甚事淨

還有甚麼官員送女兒與他爲妾他夫人不容說
要轉賣小生果有此事麼淨小人寓近府門親見
他門上一個老兒奉主母之命去尋媒婆說要一
千兩銀子小生天下有這湊巧的事劉兄劉兄你
恁般憂備我何惜千金成就這樁好事舊役你可
連夜入京買此女子淨小人求恩爺作邊上効勞
吏書咨送上選不知可否這事小人就去小生効
勞咨選我曉得了明早候領千金即便起程淨多
謝恩爺小生劉兄

尾聲你不須酒闌含淚尊前散我待將宮花街出御
勾欄做一箇包酒賠茶的撮合山

集唐 一片瓊英價動天 能將意氣慰當年

與君便是鴛鴦侶 忍見空床夜夜眠

原評管鮑貧時交此道棄如土吾不能不服膺長公

情郵上畢

海之卑

其與他... 大人不...

其門上... 門...

手... 手...

京... 京...

與... 與...

一... 一...

向... 向...

以... 以...

